



UNIVERSITÄTS-  
BIBLIOTHEK  
PADERBORN

## **Clypevs Theologiæ Thomisticæ**

Continens Tractatus de attributis, de visione Beatifica, de scientia Dei, ac  
de ejus voluntate, & Providentia

**Gonet, Jean-Baptiste**

**Parisiis, 1669**

§. II. Præcipuæ objectiones solvuntur,

---

[urn:nbn:de:hbz:466:1-77232](#)

est omnium cognoscitiva. Minor autem probatur : Capacitas habendi non solum formam propriam, sed etiam alterius rei, est amplitudo & illimitatio quædam : Sed immaterialitas est ratio amplitudinis & illimitationis in forma : Ergo est ratio ipsius capacitis. Minor patet, nam coartatio & limitatio formæ provenit à materia, & consequenter materialitas est ratio coartationis formæ : Ergo immaterialitas est ratio amplitudinis, & illimitationis formæ, & consequenter est ratio prædictæ capacitis.

## §. II.

*Principia objectiones solvuntur.*

52. **C**ontra hanc doctrinam & rationem D. Thomæ, plura & difficilima objici possunt argumenta. Primum est, non cognoscentia, præter formam propriam, aliorum formas recipiunt: Ergo differentia à Divo Thoma statuta, inter cognoscentia & non cognoscentia, falsa est, & consequenter ejus ratio falso nititur fundamento. Consequentia patet, Antecedens probatur : aqua enim recipit in se calorem : calor autem non est propria forma aquæ : aër etiam in se recipit species intentionales : Ergo non viventia, & non cognoscentia, apta sunt in se recipere, non solum proprias formas, sed etiam formas aliorum.

53. Respondeo cum Carmelitis Salmanticensibus, tract. 3. disput. 2. dubio 1. & 2. duplex esse notabile discrimen inter cognoscentia & non cognoscentia, quantum ad propositum. Primum consistit in eo quod non cognoscentia recipiunt alienas formas, non tamen eisdem cum eis à quibus illas recipiunt : nam aqua v. g. recipiens calorem ab igne, non recipit eundem numero calorem ignis, sed aliud distinctum realiter, & idem contingit in aliis non cognoscentibus : cognoscentia verò apta sunt in se habere formas aliarum rerum, eisdem specie & numero, absque reali distinctione ab illis à quibus recipiunt formas ; nam species lapidis, quæ intellectus constituitur in actu ad intelligentiam lapidem, continet in se formam & naturam lapidis, eandem realiter cum illa quæ in lapide ad extra invenitur, non quidem sub modo effendi naturali (hoc enim est impossibile) sed intelligibili & intentionalí, quia ut docet D. Thomas 1. de Anima lect. 24. & 7. Metaph. lect. 6. species rei intellectæ, est quiditas ejus, & 4. contra Gentes cap. 14. docet verbum nostri intellectus, ex ipsa re intellecta habere ut intelligibiliter eandem numero naturam contineat.

Secunda differentia, ex qua sumitur secunda solutio argumenti propositi est, cognoscentia recipere in se aliorum formas, scilicet species intentionales, per identitatem cum illis, taliter quod intellectus actuatus specie lapidis, identificetur cum lapide, & cum specie representativa illius, non quidem in esse entitativo & naturali, sed in esse intentionalí & intelligibili : iuxta illud quod docet Philosophus 3. de Anima textu 37. *Anima intelligendo fit omnia* : At verò non cognoscentia, non recipiunt formas aliorum, per identitatem cum formis, nec cum illis à quibus tales formas recipiunt ; & in hoc etiam stet differentia à D. Thoma statuta, inter cognoscentia & non cognoscentia.

Contra hanc doctrinam, quam lato calamo, & eruditè, ut alia, prosequuntur Salmanticensi-

Tom. I.

A ses, loco citato, referentes Capreolum, Caietanum, Ferrariensem, & omnes Discipulos Divi Thomæ, fieri solent plures instantia, que in Tractatu de Visione beata, ubi de hoc iterum redibit sermo, commodiis proponentur ac diluentur.

Objicies secundo : Datur natura cognoscitiva materialis : Ergo immaterialitas ad rationem cognoscitivæ necessaria non est, & consequenter nequit esse ratio à priori virtutis cognoscitivæ. Secunda consequentia, ex prima evidenter colligitur : prima verò ex Antecedenti : Antecedens autem constat, natura enim sensitiva est materialis, & tamen est cognoscitiva : Ergo datur natura cognoscitiva materialis.

B Respondeo ex doctrina D. Thomæ quæst. de spiritualibus creaturis art. 2. in corp. & 2. cont. Gent. cap. 68. ad finem; immateriale sumi tripliciter, primò pro exclusive informationem materia, secundò pro independentia à materia, tertio pro excedente conditionem materia in agendo & recipiendo. Primo modo natura angelica est immaterialis, non enim à materia dependet, nec materiam informare potest. Secundo modo anima rationalis immaterialis est, licet enim materiam informet, est tamen independens ab illa. Tertio modo anima sensitiva est immaterialis, quavis enim dependet à materia in essendo, & ideo immaterialis entitativè non sit ; recipit

C tamen species intentionales modo representativo, & operatur independenter à qualitatibus quæ sunt dispositiones materia : visio enim non elicetur medio calore, aut frigiditate, siccitate, aut humiditate, quæ sunt dispositiones materiae : unde quavis sit entitativè materialis, non tamen est materialis immersivè ; hoc est totaliter immersa materia, sed excedens illius conditionem in recipiendo, & agendo : quare Philosopher 2. de Anima textu 124. docuit plantas non cognoscere, propter suam materialitatem : sensus autem (inquit) cognoscitivus est, quia receptus specierum sine materia.

D Ex quibus ad argumentum in forma respondetur distinguo Antecedens. Datur natura cognoscitiva, cognitione perfecta, quæ materialis est, nego Antecedens : cognitione imperfecta, scilicet sensitiva, subdiviso Antecedens : quæ materialis est entitativè, concedo Antecedens : immersivè, id est omnino immersa materia, & ab illa totaliter comprehensa, nego Antecedens ; & distinguo Consequens : non requiritur immaterialitas ad rationem cognoscitivæ perfectæ, nego consequentiam : ad rationem cognoscitivæ imperfectæ, subdiviso Consequens : immaterialitas sumpta pro independentia à materia, concedo consequentiam : sumpta pro excessu supra conditionem materiae, & non immersione in illa, nego consequentiam. Itaque ad cognitionem perfectam, qualis est cognitionis intellectiva, requiritur principium immateriale entitativè, hoc est independens à materia in essendo : ad cognitionem verò imperfectam, qualis est sensitiva, non exigitur principium immateriale in essendo, id est à materia independens ; sed immateriale per excessum supra conditionem materiae, & negationem totalis immersonis in illa.

E Objicies tertio : Dantur plures formæ immateriales, quæ non sunt cognoscitiva : Ergo immaterialitas non est ratio à priori virtutis cognoscitivæ, & consequenter non potest demonstrari à priori per illam. Consequentia patet, Antecedens verò probatur : voluntas enim, eiusque

H ij

actus & habitus in illa residentes, capaces cognoscendi non sunt, & tamen sunt formæ immateriales: item intellectus agens, ut docent Philosophi in libris de Anima, cognoscitivus non est, quamvis sit immaterialis: Ergo dantur plures formæ immateriales, quæ non sunt cognoscitivæ.

Respondeo primò, quod quando D. Thomas docet immaterialitatem in formis esse radicem virtutis cognoscitivæ, hoc non debet intelligi de formis accidentalibus, sed substantialibus: non enim omnis forma accidentalis immaterialis, est cognoscitiva, saltem formaliter, ut pater in exemplis adducit; nulla tamen datur forma substantialis immaterialis, quæ non sit cognoscitiva ut quo, id est radicaliter elicita cognitionis, per modum principij quo.

Respondeo secundo: omnem formam immateriale, etiam accidentale, esse cognoscitivam, non elicitive, & formaliter, sed consecutivè, vel antecedenter: voluntas enim, & habitus in ea residentes, necessariò supponunt intellectum, cum nihil sit volitum, quin præcognitionem; intellectus verò agens, licet non sit intellectus formaliter, & elicitive, est tamen cognoscitivus, antecedenter & causativè: quatenus causat species, quibus intellectus possibilis fit potens ad eliciendam cognitionem.

Objicis quartò: Si immaterialitas esset ratio intellectualitatis, iuxta modum immaterialitatis, deberet esse modus virtutis intellectivæ: Sed hoc ita non contingit: Ergo &c. Major constat, Minor probat. Omnes Angeli adæquantur in ratione immaterialitatis; omnes enim quæ sunt à materia independentes, & æqualiter excludunt materiam, cùm omni Angelo essentialiter repugnet à materia dependere, & cum illa in compositionem venire; & tamen unus excedit alium in virtute cognoscitiva: Angeli enim superiores, perfectioni modo intelligent, quām inferiores: Ergo &c.

Respondeo concessa Majori, negando Minorem, ad cuius probationem, nego Majorem, nam licet omnes Angeli adæquantur in termino à quo separationis à materia, ob rationem in probatione assignatam, non tamen omnes adæquantur, penes terminum ad quem: quia licet omnes essentialiter materiam excludant, & dependentiam ab illa; est tamen unus actualior alio, ejusque major actualitas cognoscitur ex minori numero specierum, quod indiget ad cognoscendum, & consequenter unus aliò magis excedit potentialitatem materiæ, ut in Tractatu de Angelis latius exponemus.

Objicis ultimò: Esto in creaturis immaterialitas possit esse medium demonstrativum à priori virtutis cognoscitiva, aut cognitionis actualis, non tamen immaterialitas divina: Ergo ratio quā D. Thomas probat cognitionem in Deo ex illius immaterialitate, non est demonstrativa, saltem à priori. Consequentia patet, Antecedens probatur. Medium demonstrativum à priori, debet distingui saltem virtualiter à perfectione demonstrata per ipsum, alias idem per idem probaretur, quod ars demonstrativa non sustinet: Sed immaterialitas in Deo non distinguitur virtualiter à divina cognitione, nec à virtute cognoscitiva proxima, vel radicali: cùm hæc omnia ad eandem lineam pertineant, nec distinguuntur in rebus creatis, ex propria ratione formalis, sed ex sola limitatione & potentialitate

A creature, ut supra declaravimus: Ergo immaterialitas in Deo non potest esse ratio à priori per quam illa demonstretur.

Huic argumento variè respondent Authores. In primis enim aliqui dicunt, quod licet cognitione in Deo non differat virtualiter ab ejus immaterialitate, scientia tamen quatenus dicit speciem modum cognitionis, & prout constituit speciale attributum, ab illa differt virtualiter. Vnde eum D. Thomas art. 1. questionis 14. solùm intendat, ex summa Dei immaterialitate demonstrare dari in illo scientiam, ejus ratio est demonstrativa, & à priori.

Secundò alij respondent, existentiam divinam, sub conceptu esentiae, distinguunt virtualiter à natura sub conceptu naturæ; & quia in ratione esentiae constituitur per immaterialitatem, in ratione veri naturæ, per intelligere, rectè demonstratur à D. Thoma, Deum esse summè intelligentem, quia est summè immaterialis.

Tertio alij putant ab hoc arguento se expedit, dicendo quod immaterialitas est ratio constitutiva divina naturæ, ac proinde ab intellectu & intelligibili divino virtualiter distincta.

Sed iste solutiones videntur insufficientes. Prima enim est contra mentem D. Thomæ, ut constat ex verbis quibus concludit primum articulum questionis 14. Vnde cùm Deus sit in summo immaterialitate, sequitur quod sit in summo cognitionis. Probat ergo D. Thomas, ex immaterialitate cognitionem absolutè in Deo, & non solùm modum speciale illius, scilicet scientiam.

Secunda rejicitur ex eo quod distinctio illa virtualis inter esentiam divinam sub conceptu esentiae, & sub conceptu naturæ, majori parti Thomistarum displicet, & ex illa sequitur, ut suprà argueamus, quod primum Dei attributum sit conceptus naturæ.

Tertia etiam solutio non probatur, tum quia supponit immaterialitatem esse rationem naturæ divinæ constitutivam, quod suprà impugnavimus; tum etiam, quia hoc dato, difficultatem argumenti non evacuat; nam D. Thomas ex immaterialitate non solùm demonstrare dari intellectu in Deo, sed etiam Deum esse naturæ intellectualis, ac proinde immaterialitas in Deo, virtualiter debet distinguiri, non solùm ab intelligibili divino, sed etiam ab ejus intellectualitate. His ergo solutionibus prætermissis.

Respondeo D. Thomam demonstrare Deum esse intelligentem, ex eo quod est immaterialis, tanquam per rationem à priori quoad nos, non tamen quoad se: sive ut alij dicunt, prioritate fundatâ in nostro conceptu, non autem in re concepta: cùm enim videamus in creaturis, quod immaterialitas est causa & ratio intellectu in Deo, inferimus quod hæc duo, etiam in Deo, intimè connexa sunt, & quod unum esset ratio à priori alterius, nisi reperiissentur in actu purissimo, & nisi ad eandem lineam pertinerent.

Si quis tamen sustinere velit, demonstrationem D. Thomæ esse à priori, non solùm quoad nos, sed etiam quoad se, poterit admittere distinctionem & prioritatem virtualem in Deo, inter immaterialitatem, & cognitionem, aut virtutem cognoscitivam: ex hoc enim non sequitur, quod immaterialitas sit ratio divinæ naturæ constitutiva, quia licet admittatur virtualiter prior intellectu, vel intellectualitate divinæ, se habet tamen in Deo, per modum transcenden-

is: conceptus vero naturae, saltem explicitus, non est communis, & transcendentalis, sed prius ac specialis; unde sicut ratio entis creati, quamvis per se primò concipiatur in homine; quia tamen est transcendentia, & communis omni creatura, humanam naturam non constituit: ita nec ratio entis, seu substantiae immaterialis, constituit naturam divinam, quia similiter se habet per modum transcendentis increati, & est communis omnibus perfectionibus & formalitatibus divinis.

## ARTICVLVS III.

*An detur in Deo potentia intellectiva, virtualiter ab intellectione distincta?*

## §. I.

*Proponitur status difficultatis, & sententia negativa prefertur.*

61. **S**uppono primò ex Tractatu de Trinitate: Intellectum divinum, ut est in Patre, & ut modicatum per relationem paternitatis, habere rationem potentiae generativa filii, seu principij quo generationis Verbi divini.

Suppono secundò ex dicendis in Tractatu de scientia Dei: Intellectum Dei practicum, ut motum & applicatum à voluntate divina, habere in Deo rationem potentiae executiva, & producere res ad extra per actum imperij, formaliter immanentem, & virtualiter transeuntem, ut ibidem ostendemus: unde solùm difficultas est, an ratio potentiae salvetur in intellectu divino, per ordinem ad intellectu operationem essentiale.

Suppono tertio: Non esse questionem de potentia realiter productiva actu intelligendi, & realiter, vel ex natura rei ab illo distincta (hac enim involuit imperfectionem, & repugnat actu purissimo) sed de potentia ab actu virtualiter solūm distincta, id est, distinctione rationis habente fundamentum in Deo, & non solūm in nostro modo concipiendi res divinas per analogias ad res creatas. His præmissis,

62. Dico: Non dari in Deo potentiam intellectivam, respectu divinae intellectiōis essentiale, ab ea virtualiter distinctam. Est contra Corneio infra quæst. 14. Aravium 12. Metaph. quæst. 1. art. 2. & quodam alios recentiores Thomistas.

Probatur primò ex D. Thoma 1. contra Gentes cap. 45. ratione 4. ubi negat in Deo potentiam intelligendi, & solūm concedit actum. Item 2. libro cap. 10. & in hac parte quæst. 25. art. 1. ad 3. & 41. art. 3. ad 4. in ordine ad actus essentiales intelligendi & volendi, docet dari potentiam in Deo secundum modum significandi tantum: id est secundum nostrum modum concipiendi res divinas, per analogiam ad res creatas: Ergo ex D. Thoma, non debet admitti in Deo potentia intellectiva, virtualiter ab intellectione essentiāli distincta, id est distinctione rationis cum fundamento in re.

63. Probatur secundò ratione: Intellectio essentialis in Deo, non distinguitur virtualiter ab ejus intellectu: Ergo non potest admitti in Deo potentia intellectiva, virtualiter ab intellectione essentiāli distincta, seu virtuale principium intellectiōis essentiale. Consequens pater, Antecedens probatur ex fundamentis supra statutis, agentes de constitutivo divinae naturae: nam (ut

A ibidem exposuimus) ea solūm distinguntur virtualiter in Deo, que equivalent pluribus rationibus, aut perfectionibus, distinctis in creaturis ex genere suo, & ad diversas lineas pertinentibus, id est diversa objecta formalia respicientibus: At intellectus & intellectio, in rebus creatis non distinguntur ex genere suo, nec ad diversas lineas pertinent; cum idem objectum formale respiciant, sed tantum differunt ex limitatione & potentialitate creature, quæ non est tantæ perfectionis & puritatis, ut possit sibi realiter identificare suam ultimam actualitatem: Ergo intellectus & intellectio essentiale, non distinguntur in Deo virtualiter.

B Probatur tertio: Non est fundamentum in Deo, ut illius intellectus potentialis concipiatur: Sed principium proximum virtuale intellectiōis, ut potentiale concipiatur: Ergo non est fundamentum in Deo, ut illius intellectus concipiatur, ut principium virtuale proximum intellectiōis. Major patet, Minor probatur. Principium virtuale proximum intellectiōis, concipiatur ut determinabile per intellectu operationem, & per illam perfectibile, tanquam per actualitatem: Sed determinabile per actum, & per illam perfectibile, potentiale est, vel ut potentiale intelligitur: Ergo principium virtuale proximum intellectiōis, ut potentiale concipiatur.

C Dices, Intellectum divinum non concipi ut potentiale & imperfectum, quia licet concipiatur sine expressione ultimæ actualitatis, implicitè tamen illam includit, sicut divina essentia, sine attributorum expressione intellecta, non concipiatur ut potentialis & imperfecta, eò quod illa implicitè contineat, sicut ens suas proprietates.

Sed contra: Principium virtuale non continens actu implicitè actualalem operationem, est implicitè potentiale: Ergo non continens actu explicitè actualalem operationem, erit saltem explicitè potentiale, & consequenter imperfectum quoad explicitum.

Præterea, expressio ultimæ actualitatis propriæ lineæ, deberet cuilibet perfectioni divinae; ac proinde concepta sine illius expressione, ut potentialis intelligitur: Sed actualis intellectio est ultima actualitas in genere & linea intelligibili, attributa verò non pertinent ad lineam essentiae & naturæ: Ergo quamvis divina essentia, sine attributorum expressione intellecta, absque ulla potentialitate concipiatur, intellectus tamen divinus potentialis concipiatur, quando intelligitur sine expressione actualis intellectiōis. Minor patet, Major autem, in qua solūm est difficultas, sic potest suaderi. Perfectiones divinae, cum sint actus purissimi, sunt à nobis constituenda modo imaginabili purissimo, & perfectissimo: Sed perfectior ac purior concipiatur divina perfectio, quando intelligitur, ut exprimens ultimam suæ lineæ actualitatem, quam dum intelligitur, ut eam solūm implicitè continens: Ergo qualibet perfectio in Deo, expressione ultimæ actualitatis propriæ lineæ, constituenda est.

Confirmatur: Intellectus divinus debet concipi tam actualis, ut nulla creatura illo actualior sit conceptibilis: Sed nisi concipiatur, ut exprimens actualē intellectiōem, aliqua creatura, illo actualior concipiatur: Ergo petit concipi à nobis ut metaphysicè constitutus expressione actualis intellectiōis. Major constat, Minor probatur. Actualis intellectio creata, actualior intelligitur in linea intelligibili, omni non exprimere actu-